

ხელშეკრულება №1/292-2013

26 დეკემბერი 2013 წ.

ქ. თბილისი
ერთი მხრივ,

შპს „საქართველოს აეროპორტების გაერთიანება“ (მისამართი: თბილისი, სამგორის რაიონში აეროპორტის დასახლება (აეროპორტი), ს.კ #404 389 693) წარმოდგენილი მისი დირექტორის მოადგილის პაატა ჩიქოვანის სახით (შემდგომში „შემსყიდველი“)

და მეორე მხრივ,

შპს „თორნიკე“ (მისამართი: საქართველო, ქ. თბილისი, წერეთლის გამზ. 8/9 ს.კ №202234509) წარმოდგენილი მისი დირექტორის სერგო ბლიაძის სახით (შემდგომში – „მიმწოდებელი“)

საქართველოს კანონის „სახელმწიფო შესყიდვების შესახებ“, მე-3 მუხლის პირველი პუნქტის „ს1“ ქვეპუნქტის თანახმად, ვდებთ ხელშეკრულებას შემდეგზე:

მუხლი 1. ხელშეკრულების საგანი

1.1. ხელშეკრულების საგანს წარმოადგენს შპს „საქართველოს აეროპორტების გაერთიანების“ ქუთაისის დავით აღმაშენებლის სახელობის საერთაშორისო აეროპორტის საჭიროებისათვის საახალწლო გასანათებელი მოწყობილობებისა და ელექტრო ნათურების (CPV- 31500000) შესყიდვა. კერძოდ:

№	საქონლის დასახელება	რაოდენობა	ერთეულის ფასი	საერთო ღირებულება
1	მანათობელი შლანგი 3 ხაზიანი ბრტყელი თეთრი	90 მეტრი	5,56	500,40
2	მანათობელი 3 ხაზიანი ბრტყელი შლანგის შტეკერი	5 ცალი	2,00	10,00
3	მანათობელი სტრინგი თეთრი 100 ლედი 10მ	36 ცალი	10,00	360,00
4	მანათობელი ბადე 4*3 თეთრი	3 ცალი	190,00	570,00
			სულ ჯამი: 1440,40 ლარი	

მუხლი 2. ხელშეკრულების ღირებულება

2.1. ხელშეკრულების საერთო ღირებულება შეადგენს 1440,40 (ერთი ათას ოთხას ორმოცი ლარი და 40 თეთრი) ლარს.
2.2. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდა ეკისრება „მიმწოდებელს“.

მუხლი 3. საქონლის მიწოდების პირობები

3.1. საქონლის მიწოდება განხორციელდება ხელშეკრულების გაფორმებიდან 2 (ორი) დღის ვადაში.
3.2. საქონლის ხარისხსა და ვარგისიანობაზე სრული პასუხისმგებლობა ეკისრება „მიმწოდებელს“.

მუხლი 4. შესყიდვის ობიექტის მიღება-ჩაბარების წესი

4.1. შესყიდვის ობიექტის მიღება საქონლის მიწოდების თანავე ფორმდება „მიღება-ჩაბარების“ აქტით, რის საფუძველზეც „მიმწოდებელი“ „შემსყიდველს“ წარუდგენს საგადასახადო ანგარიშ-ფაქტურას და სასაქონლო ზედნადებს, საგადასახადო კოდექსით დადგენილი წესითა და ვადებში.

მუხლი 5. ანგარიშსწორების ფორმა და ვადები

- 5.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.
- 5.2. ანგარიშსწორების საფუძველია მხარეების უფლებამოსილი პირების მიერ გაფორმებული „მიღება-ჩაბარების“ აქტი, საგადასახადო ანგარიშ-ფაქტურა და სასაქონლო ზედნადები.
- 5.3. „მიმწოდებელთან“ ანგარიშსწორება ხორციელდება მე-5 მუხლის 5.2. პუნქტში განსაზღვრული პირობის დასრულების შემდეგ 10 (ათი) სამუშაო დღის ვადაში.
- 5.4. „მიღება-ჩაბარების“ აქტის, საგადასახადო ანგარიშ-ფაქტურისა და სასაქონლო ზედნადების წარმოდგენის გარეშე არ მოხდება თანხის გადახდა.

6. მხარეთა ვალდებულებები

- 6.1. „მიმწოდებელი“ ვალდებულია:
- 6.1.1. მიაწოდოს „შემსყიდველს“ უფლებრივად და ნივთობრივად უნაკლო საქონელი.
- 6.1.2. დროულად განიხილოს „შემსყიდველის“ მიერ წამოჭრილი პრობლემები, რომელიც დაკავშირებულია ხელშეკრულების შესრულებასთან.
- 6.2. „შემსყიდველი“ ვალდებულია:
- 6.2.1. უზრუნველყოს „მიმწოდებლისათვის“ თანხის გადახდა მე-5 მუხლის 5.3. პუნქტის შესაბამისად.
- 6.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7. მხარეთა უფლებები

- 7.1. „მიმწოდებელს“ უფლება აქვს:
- 7.1.1. ხელშეკრულების ფარგლებში მოითხოვოს გაწეული მომსახურების ღირებულების დროული და სრული ანაზღაურება.
- 7.2. „შემსყიდველს“ უფლება აქვს:
- 7.2.1. აწარმოოს მიწოდებული პროდუქციის ხარისხისა და შესაბამისობის კონტროლი;
- 7.2.2. განაცხადოს უარი უხარისხო საქონლის მიღებაზე.

მუხლი 8. ფორს-მაჟორი

- 8.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.
- 8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და რომლებსაც გააჩნია წინასწარ გაუთვალისწინებელი ხასიათი, კერძოდ ასეთი გარემოება შეიძლება იყოს საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, ომი, სტიქიური მოვლენები, ეპიდემია, კარანტინი.
- 8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობების და მიხედვით გრძელდეს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

მუხლი 9. ხელშეკრულების პირობების და ფასების გადასინჯვა

- 9.1. სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.
- 9.2. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 10. დავების გადაწყვეტა

- 10.1. მხარეთა შორის წარმოქმნილი ყველა დავა გადაწყდება ურთიერთშეთანხმების გზით.
- 10.2. თუ შეთანხმება ვერ მოხერხდა, დავა გადაწყდება სასამართლოს გზით. მოქმედი კანონმდებლობით დადგენილი წესით, თბილისის საქალაქო სასამართლოში.

მუხლი 11. ხელშეკრულების პირობების შეუსრულებლობა

- 11.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობისათვის ან არაჯეროვნად შესრულების შემთხვევაში მიმწოდებელს ეკისრება პირგასამტეხლო ხელშეკრულების ღირებულების 0,1%-ის ოდენობით ყოველი ვადაგადაცილებული დღისათვის.
- 11.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

მუხლი 12. ხელშეკრულების შეწყვეტა

- 12.1. ხელშეკრულება შეიძლება შეწყვეტილ იქნეს:
- 12.1.1. ურთიერთვალდებულებების შესრულებით;
- 12.1.2. მხარეთა შეთანხმებით;
- 12.1.3 საქართველოს მოქმედი კანონმდებლობით გათვალისწინებულ სხვა შემთხვევებში.

მუხლი 13. ინსპექტირების პირობები

- 13.1. ხელშეკრულების შესრულების კონტროლს განახორციელებს კორპორატიული კომუნიკაციების მენეჯერი თამარ ტატუნაშვილი.
- 14.2. კოორდინატორის ფუნქციებია:
- 13.2.1. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება.
- 13.2.2. სახელმწიფო შესყიდვების შესახებ ხელშეკრულების პირობების შესაბამისად „მიმწოდებელთან“ „მიღება-ჩაბარების“ აქტის გაფორმება.

მუხლი 14. დამატებითი პირობები

- 14.1. წინამდებარე ხელშეკრულება ძალაში შედის მხარეების მიერ მისი ხელმოწერისთანავე და ძალაშია 2014 წლის 31 იანვრის ჩათვლით.

მუხლი 15. გამოყენებული სამართალი

- 15.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

მუხლი 16. დასკვნითი დებულებები

16.1. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.

16.2. მხარეთა შორის წერილობითი შეთანხმების საფუძველზე, წინამდებარე ხელშეკრულებაში შეიძლება შეტანილ იქნეს ცვლილებები და დამატებები.

16.3. ხელშეკრულება შედგენილია 2 (ორ) ეგზემპლარად და თითოეულ მათგანს თანაბარი იურიდიული ძალა აქვს.

16.4. ხელშეკრულების ერთი ეგზემპლარი ინახება "მიმწოდებელთან" ერთი ეგზემპლარი - "შემსყიდველთან".

მუხლი 17. მხარეთა რეკვიზიტები

<p>„შემსყიდველი“ შპს „საქართველოს აეროპორტების გაერთიანება“ მისამართი: საქართველო, ქ. თბილისის ისანი-სამგორის რაიონი აეროპორტის (აეროპორტის დასახლება) ს.კ # 404 389 693 tel.: +995 32 48 73 00 საბანკო რეკვიზიტები: სს „თი ბი სი ბანკი“, ბანკის კოდი: TBCBGE22; ა/ა: GE37TB777736070100001 / GEL</p>	<p>„მიმწოდებელი“ შპს „თორნიკე“ მისამართი: ქ. თბილისი, წერეთლის 8/9 ს.კ. № 202234509 ტელ.: +995 32 265 55 01; საბანკო რეკვიზიტები: სს „საქართველოს ბანკი“ ბანკის კოდი: BAGAGE22 ა/ა: GE88BG0000000893696601</p>
--	---

დირექტორის მოადგილე
კატა ჩიქოვანი



დირექტორი
სერგო ბლიაძე

